
БИЛДИРИШ

Фарғона вилоят ҳокимлиги Ахборот хизмати Фейсбук ижтимоий тармоқларида гўё Фарғона вилоятидаги олий ўқув юртларида ўқув машғулоти давом эттирилаётганлиги ҳақидаги хабар юзасидан қуйидагиларни билдиради.

Мазкур ахборот ҳақиқатдан йироқдир. Ўзбекистон Республикаси Вазирлар Маҳкамасининг 2020 йил 15 мартдаги йиғилишида берилган топшириқлар ижроси бўйича вилоятдаги барча Олий ва ўрта махсус ўқув даргоҳлари, халқ таълими ва мактабгача таълим муассасалари тизимида 16 мартдан, яъни бугундан эътиборан барча машғулоти бекор қилинган.

Фарғона вилоятидаги 10 та олий ўқув юртлари талабаларининг 16 фоизи ётоқхоналарда туради. Мазкур топшириқни ўз вақтида бажарилишини таъминлаш мақсадида доимий яшаш уй-жойларига кетган талабаларга маълумотни етказиш учун олий даргоҳлардаги деканлар, декан ўринбосарлари ва гуруҳ сардорлари телефонлари, шунингдек олий ўқув юртлари сайтларида тегишли маълумотлар берилди.

Вилоятдаги барча ётоқхоналарга масъуллар бириктирилиб, талабалар уйларига жўнатилди. Гуруҳ мураббийлари томонидан ижарада яшовчи талабаларга маълумот етказиш ва уйларига жўнатиш масалаларида ёрдам бериш ишлари амалга оширилмоқда. Бугундан кундузги таълим шаклида таҳсил оладиган талабалар, март ойида қақирилган сиртки таълим ва малака ошириш курслари тингловчилари учун машғулоти тўлиқ тўхтатилган.

Талабаларга фанлар бўйича маълумотлар масофавий таълим элементларидан фойдаланган ҳолда электрон вариантларда юборилиши ва мустақил таълим шаклидан фойдаланиши бўйича ишлар ташкил этилмоқда.

Фарғона вилояти ҳокимлиги Ахборот хизмати.

Facebook, Telegram, Веб сайт, YouTube

2020-03-16 15:22:01